



Broj: 05- X I/ 10.
Datum: 12.11.2010.god.
Mjesto: Sarajevo

12-11-2010

Vlada Federacije Bosne i Hercegovine

Federalna uprava za inspekcijeske poslove Inspektorat inspekcije rada

Fehima ef. Čurčića 6. Sarajevo

Predmet: *Hitno postupanje, traži se zakonitost,*

Poziv na dokument: *Članak 38. Zakona o vijeću uposlenika, nadzor nad sprovedbom zakona,*

Poštovani,

Shodno članku 38. Zakona o Vijeću uposlenika, tražimo od nadležne inspekcije rada da ispita zakonitost u pokretanju (ne)zakonitih radnji oko formiranja Vijeća uposlenika u JP Željeznice Federacije d.o.o. Sarajevo.

Obrazloženje:

Početak mjeseca oktobra ove godine, grupa uposlenika, na prijedlog predsjednika Uprave-generalnog direktora, uz mentorstvo i logistiku (sa menadžerskim ugovorom, predlagač i pokretač svih akcija) direktora Sektora za pravne i kadrovske poslove i Komunikacijsko informacijski sistem JP Željeznice Federacije BiH, pokrenula je inicijativu o formiranju Vijeća uposlenika.

Naime, u našem preduzeću organizirano je 6 (šest) granskih sindikata koji su uredno uneseni u Registar ministarstva pravde FBiH. Na prijedlog Uprave Društva (generalnog direktora) da imaju namjeru pokrenuti inicijativu za formiranje Vijeća uposlenika, sindikati u sistemu ŽFBiH su se jasno i decizno (pismeno) izjasnili da nisu za takav prijedlog i ne podržavaju takvu namjeru.

Sastav grupe uposlenika, predlagača, pod nazivom „Inicijativni odbor“, koji je otpočeo sa prikupljanjem potpisa, općenito su uposlenici sa posebnim ovlaštenjima i odgovornostima (po Zakonu o privrednim društvima i Statut JP ŽFBiH) gdje su na nezakonit način prikupljali potpise od uposlenika po kome su prekršili demokratske principe slobode govora i misli, kršenju osnovnih principa Konvencije o zaštiti ljudskih prava i Evropske ILO Konvencije broj 87. o sindikalnim slobodama i zaštiti sindikalnih prava.

Ista grupa uposlenika (Inicijativni odbor) nakon dovoljno prikupljenih potpisa/saglasnosti, se javno, preko oglasnih ploča preduzeća, obratila sindikatima u sistemu ŽFBiH, pozivajući se na član 10. stav 3. Zakona o Vijeću uposlenika te ultimativno odredila rok za izjašnjavanje u suprotnom „oni“ preuzimaju stvar u svoje ruke. Također, preko internog glasila „Info ŽFBH“ su sindikate (na čelu okarakterisali ovaj Sindikat) proglasili glavnim krivcima za loše stanje u preduzeću, glavnim krivcima za ugrožavanje radničke egzistencije i stjegonoše u namjeri da naše preduzeće stavimo pod ključ, itd.

Kako smo poslije ove silovite propagande doživjeli šok i nevjericu, uz ozbiljne komentare pojedinih uposlenika bliskih krugovima predsjednika Uprave, kako će Uprava Društva po formiranju Vijeća uposlenika, „zbrisati“ i „pomesti“ sindikate, ako ne to onda njihov javni rad srozati do te mjere da im preostaje samo briga oko nabavke zimnice i uglja za zimsku grejnu sezonu.

Uzimajući u obzir gornje obrazloženje, a potkrepljujući dokazima u prilogu ovog akta, jedino nam ostaje nada da će vaša cjenjena služba u cijelosti prihvatiti naš zahtjev „Za hitno postupanje“, na zakonit način izvršiti uvid u cijeli slučaj i donijeti pravednu odluku cijeneći odredbe Zakona o radu i Opšteg kolektivnog ugovora na području Federacije BiH, te odredaba Zakona o Vijeću uposlenika.

Prilozi: dokumenti kao dokazni materijal.

S poštovanjem.

Dostavljeno:

- Naslovu,
- a/a.



Predsjednik SMS-a u FBiH

Vernes Buljugija



SINDIKAT MAŠINOVOĐA-STROJVOĐA u FBiH

Put života 2. 71000 Sarajevo, BiH / Tel; fax: +387(0)33-218-298 / ŽAT +387(0)33-657-313 / lok:2383
E-mail; sindik.masinovodja@zfbh.ba ili administrator@sms-fbh.ba / [http:// www.sms-fbh.ba](http://www.sms-fbh.ba)

Broj: 04 - X I/ 10.
Datum: 12.11.2010.god.
Mjesto: Sarajevo

Vlada Federacije Bosne i Hercegovine

Federalna uprava za inspekcijeske poslove
Inspektorat saobraćajne inspekcije
/Na pažnju inspektora za željeznički saobraćaj/

12.11.2010

Predmet: *Implementacija na odluku o uvođenju jednoposjeda na mašinama serije 441,*

Poštovani,

Shodno donesenoj Odluci Uprave Društva ŽFBH broj: UD-6177-10- 1/10 sa važnošću od 1.novembra / studeni 2010. godine, a vezano za uvođenje jednoposjeda na mašinama/ strojevima serije 441 za putničke vozove/vlakove na relaciji Sarajevo-Zenica-Doboj, Sindikat u naslovu Vas obavještava i traži:

1. Vezano za akt broj: 22-X/10 od 23.10.2010.godine, od strane ovog sindikata, u kome stoji da Uprava Društva ŽFBiH ima namjeru uvesti jednoposjed na pruzi 12. Sarajevo-Zenica-Doboj od 1.novembra ove godine, prisjećamo Vas da ste sa istim aktom i Vi upoznati.
2. Također, na Vaše traženje dostavili smo Vam i Odluku UD-6177-10-1/10 sa prijedlogom važnosti od 1.novembra ove godine.
3. Slijedom najave štrajka (najavljen 27.10.2010.g.) za 8.novembar 2010.godine, od strane ovog sindikata u kome jedan od zahtjeva stoji, da Uprava Društva povuče i odustane od primjene donesene odluke, obavještavamo Vas da ista odluka nije implementirana kako je planirana od 1.novembra. Koji faktori su uticali da Uprava Društva odustane od primjene, na našu sreću, nije nam poznato ali zbog nedostatka informacija jako smo zabrinuti da se ista može aktivirati i uvesti u primjenu u skorije vrijeme.

Od Vas, uz molbu tražimo:

1. Kakva su Vaša saznanja i da li ste obavili stručnu detekciju u zakonitosti donesene odluke?.
2. Ukoliko su do sada izvršene određene radnje ispred Vašeg inspektorata, slobodni smo da od Vas tražimo stručno mišljenje ili ako su već poduzete mjere „upozorenja“ prema Upravi Društva, shodno Zakonu o bezbjednosti u željezničkom saobraćaju FBiH, da nas o navedenim aktivnostima pismeno obavjestite.

S poštovanjem.

Prilog: Odluka,

Dostavljeno:

- Naslovu,
- a/a.

Predsjednik SMS-a u FBiH
Vernes Buljugija